

吳
詩
集
覽

吳詩集覽卷十下

五言律詩三之下

過諸乾一細林山館

見九峯草堂歌序按王貽上贈諸乾一詩有細林主人老

眈隱之句

興極期偏誤名山識旅愁橋痕穿谷口亭影壓溪頭霞

爛丹山鼎松鳴白石樓居然華燭夜先爲一峯留

遊山而先

說誤期亦不肯用平筆也橋痕亭影在山館之外霞鼎松樓在山館之內結句與起句相應張如哉曰丹山鼎謂彭仙人白石樓謂白石道人也○興極見嘲張南垣詞名有誤佳期名山見讚佛詩王少伯詩向晚茫茫發旅愁杜詩谷口舊相得陳去非詩遊魚聚亭影王無功詩更坐北溪頭李詩羨君素書常滿案含

丹照白霞色爛丹山見送龔孝升盧昇之詩圓洞開丹
鼎白石見九峯歌石樓見文長山館後漢書班固
傳精曜花燭俯仰如神
一峯見讀佛詩其三

神山夜宿贈諸乾一見九峯草堂歌序

高士能調鶴仙人得卧龍穿雲三徑杖聽月五聲鐘管

樂名堪亞彭佺道自濃獨來天際任嘯詠赤城松前半首詠

神山而乾一在其中後半首詠乾一而神山在其中詞
意周到劉元濟詩列鼎俱調鶴三國志徐庶謂先
王曰諸葛孔明卧龍也穿雲見鶴如五十三徑見遣
悶唐明皇詩歌鐘聽月虛曹堯賓詩漏苦霜傳五夜
鐘管樂見哭志衍蜀志諸葛亮傳評曰可謂識治之
良才管蕭之亞匹矣按彭佺彭祖偃佺也神仙傳偃
全以松子遺堯堯不暇服也時人服者皆至二三百歲
李義山詩許掾全家道氣濃天際見石公山晉書

阮孚傳正應端拱嘯咏以樂
當年耳赤城見讀西臺記

過徐文在西余山莊

梅村九峯草堂歌徐公別墅
琴樽興自注文貞別業在西

余則文在蓋文貞之裔
也明史徐階傳論文貞

已棄藍田第還來灞水濱烟開孤樹迴霜淨一峯真路

曲山迎杖廊空月就人始知蕭相計留此待沉淪

過山莊而

先言棄第與過山館而先言誤期筆勢相似三四西余
之景五六山莊之景結到文貞與起處相應○漢書竇

嬰傳屏居藍田南山下陳卧子詩竇嬰別業在藍田

水經注灞水出藍田縣藍田谷梁簡文帝詩烟開四

郊謚杜詩白屋留孤樹郝伯常詩霜淨楚天遠一峯

見讚佛詩其三司空表聖詩品柳陰路曲流鶯比鄰

王仲初詩夜山秋雨滴空廊孟詩江清月

近人蕭相見退谷歌沉淪見遇劉雪舫

細林夜集送別倩扶女郎

毛大可西河詞話雲間諸進士嗣郭董孝廉俞

諸君曾於重陽後作神山之會卽彭仙人棲神處也時婁東吳學士偉業在座連遣覓女郎倩扶必不得夜分滬上張宏軒刺史錫澤來赴投刺後學士命以已車迎入使者傳覆需兩車人頗訝之及至則挾一衣冠少年光豔暗射若薄雲籠月人各却步且不敢詢姓氏及移燭燭之則倩扶也一座譁然蓋是時倩扶已與宏軒定情久矣宏軒有意難忘初晤嬌人嬌惜別鳳棲梧寄憶再晤諸詞流傳人間其序曰時維秋月節屆登高思逸事於龍山遇佳人於鶴浦啣杯浹日判袂經旬免簡頻濡鴻箋數寄堪笑粘泥之絮翻憐逐水之萍品其高韻人更澹於黃花感此微詞意每傷於綠葉後倩扶有寄宏軒主人詩其落句云不道離愁深似許輕教分手盼重過予和詩云但遇龍山高會後尙疑青雀夜來過正暗刺前事也張如哉曰呼女爲郎本本

蘭詩不知木
蘭是女郎

遠翠入顰眉輕寒袖半垂花生神女廟月落影娥池深

竹微風度晴沙細履移回看下山路紅燭爲誰遲

起處極贊

倩扶三四細林夜集然月落句已引出送字意後半送

別仍不脫細林夜集四字也○溫飛卿詩遠翠愁山入

卧屏晉書戴逵傳舍寔逐聲之行是猶美西施而學其

顰眉劉孝綽詩輕寒朝夕殊馬伯庸詩金屈卮邊醉

袖垂賀方回詞半垂羅幕幕護窗紗神女廟見過圻村

西京雜記漢武於望鵲臺西起俯月臺臺下穿影娥

池每登臺眺月影入池中因名影娥池王詩洞房映

深竹微風見看梅感興白詩護江堤白暘晴沙秦少

游詞金谷俊遊銅駝巷恒新晴細履平沙孟詩迴瞻

下山路柳子厚詩席上燒紅燭李義山詩清管爲誰

調

按常熟縣有影娥川卽琴川發源處則神女廟影娥池九峯應別有之非指圻村之廟漢武之池也

天馬山過鐵崖墓有感

見九峯草堂歌序

天馬龍爲友雲山鳥自飛定愁黃紙召獨羨白衣歸長

卷心同苦狂歌調已非悲來吹鐵笛莫笑和人稀

梅村不能

爲鐵崖故所感獨深後半首連自己在內非泛作憑弔語也○漢書禮樂志今安匹龍爲友注謂天馬也釋

元覽詩長空任鳥飛

白詩黃紙除書落枕前

明史

楊維禎傳洪武二年太祖召諸儒纂禮樂書以維禎前朝老文學遣翰林詹同奉幣詣門維禎謝曰豈有老婦將就木而再理嫁者耶明年復遣有司敦促賜安車詣闕庭百有一十日卽乞骸骨帝成其志仍給安車還山宋濂贈之詩曰不受君王五色詔白衣宣至白衣還

古詩志士多苦心

徐偉長中論或披髮而狂歌

維

禎傳酒酣以往偉長中飛或戴華陽巾披羽衣坐船屋

上吹鐵笛作梅花弄或呼侍兒歌白雪之詞自倚鳳琶
和之賓客皆踟躕起舞以爲神仙中人 岑參詩由來

此曲和

葉子吉弔鐵崖墓詩先生不可見遺塚自斜暉無復
攜紅袖還聞墓白衣才銷明主忌老幸故人依鐵笛
吹雲起猶疑踏月歸

陳徵君西余山祠

見九峯草堂歌序陳仲醇岩棲
幽事丁酉始得築婉孌草堂于

二陸遺址故有長者爲營栽
竹地中年方憊住山心之句

通隱居成市風流白石仙地高卿相上身遠亂離前客

記茶龕夜僧追筆豕年故人重下拜酹酒向江天

此詩佳處

在第四句非他手可及也餘亦工穩○梁書何點傳時
人號爲通隱南史沈麟士傳時爲之語曰差山中有賢

士開門教授居成市
梅村九峯草堂歌自注眉公自號白石道人梅村修太白山人墓記後百餘年雲間白石山人者復出當海內無事積薪厝火中外宴安山人得于其間交王公營聲譽自比于陶宏景戴安道為通隱未幾採人再竊柄黨禍兵禍紛糾于不可解
典龕浮圖塔一曰塔下室筆冢見蒼公塔左傳儒九年敢不下拜後漢書張奐傳召主簿於諸羌前以酒酹地江天見巫峽

橫雲
見九峯草堂歌序

青嶂千金鑿丹樓百尺高空山開化迹異代接賢豪

李氏園亭廢後近
為諸乾一改築
 身世供危眺妻孥付濁醪雙眸雲背

豁飛鳥敢吾逃
前半題面已完後半主客俱在內就休文詩峻嶒起青嶂世說顧長康白

遙望層城丹樓如霞
音書樂志百尺高樓與天連顧愷之定命論夫建極開化樹聲貽則賢豪見贈尋航

〔廼賢詩〕至今豪俠人危眺屢驚縮 濁醪見碧清湖
幾昨見九峯草堂歌王子安詩翕爾登霞首依然躡
雲背 〔溫飛卿詩〕一千二百逃飛鳥
按末二句卽決背入歸鳥五字也

送聖符弟之任蘄水丞

〔梅村德藻稿序〕與兄聖符
俱有聲於藝苑〔一統志〕蘄

水縣在黃州府東

南一百一十里

隨牒爲人佐全家漢水東放衙廳壁冷趨府戟門雄屈

宋風塵下江山醒醉中丈夫從薄祿莫作故園窮

〔起二句是〕

蘄水丞三四丞之職事後半首爲聖符慰藉結句回應
起處○隨牒見高涼司馬行〔一統志〕漢水至漢陽府

城東北會大江大江自漢陽府黃陂縣流入黃州府黃
岡縣界又東南流入蘄州界 放衙見簡姜明府廳壁

見送沈旭輪 趨府見送純祐周禮天官注棘門以戟
爲門 〔唐書〕杜審言傳 〔吾文章〕當得屈宋作衙官世說

王戎云太尉自是風塵外物陶詩醒醉還相笑杜詩上公有記者累奏資薄祿

其二

四十未專城除書負姓名才高方薦達地僻鮮逢迎夏

簾琴床淨春泉茗椀清公餘臨墨沼洗筆畫圖成

原注

陸羽泉右軍洗筆池聖符善畫

前半首是斬水丞後

半首寫聖符興致也仍從斬水點染

古詩四十專城

居

陸務觀詩空向除書見姓名

晉書盧諶傳才高

行潔爲一時所推薦達見王維夏北行

地僻見磬清

湖逢迎見送張孺高

隋煬帝詩

夏簾陰修竹琴床見

東許九日湖廣通志斬簾出斬州

庾詩春泉下玉溜

茗椀見石谷山水歌湖廣通志松蘿出黃州府

王元

之詩公餘多愛入林泉柳子厚詩小學新翻墨沼波

百孔六帖白樂天每一詩成輒洗其筆一統志斬水縣

東鳳山之陰蘭溪之陽有泉出石罅爲蘭溪其在寺庭

之除爲陸羽烹茶之泉其在鳳山之陰爲
逸少澤筆之井王陸二水皆蘭溪一源耳

其二

西上今吾弟分攜北固樓最高搔白首何處望黃州故

舊忻無恙烟波感昔游
斬春有香草相寄慰離愁

原注兼東

畢協公侍御

此首以自已夾敘前半首送聖符後半

首東侍御也

○分攜見贈願雲師北固見閬園序張

文昌詩看山多上最高樓杜詩白頭搔更短

黃州無

恙見壽龔芝麓

江總持詩日向烟波長魏文帝與吳

質書追思昔游猶在心目

斬春見壽龔芝麓南都賦

其香草則有薜荔蕙若薇蕪蓀蓀王詩香草爲君子湖

廣通志崇禎十年丁丑進士畢十臣斬水人御史按十

臣梅村丙子所取士也

杜牧之詩當筵雖一醉寧復

愁
緩離

其四

訪俗曾經亂車過大澤鄉殘民談勝廣舊國記江黃甘

載流移復三湘轉運長正逢休息後 溫詔重循良亦此

以自已夾敘蓋梅村訪于前而聖符又訪于後也切定

斷水歸到循良立言有體○袁伯長詩訪俗感素心

史記陳涉世家陳勝者陽城人也字涉吳廣者陽夏人

也字淑二世元年發閭左適戍漁陽九百人屯大澤鄉

徐廣曰在沛郡蘄縣殘民見高郵道中莊子舊國

舊都望之暢然江黃見哭志衍流移見松山哀三

湘見哭志衍子瞻上神宗書天下之財自郡縣而至于

轉運轉相鉤較足以爲不失矣休息見感事循良

見遇南 廂園叟

暑夜舟過溪橋示顧伊人

深岸聽微風江清不寐中舟行人影動橋語月明空寺
樹侵門黑漁燈鮎水紅誰家更吹笛歸思澱湖東三四工絕
餘亦雅令○杜詩細草微風岸孟詩江清月近人
人影見送志衍張承吉詩樹黑雲歸去陸務觀詩
孤舟風雨伴漁燈柳子厚詩驚風亂颭芙蓉水李詩
誰家玉笛暗飛聲杜必簡詩歸思欲沾巾澱湖見茸
行城

橋語月明空似從僧語石
樓空化出而意境更遠

余山遇姚翁出所畫花鳥見贈

七十忘機叟空山羨獨行只今來白石當日住青城一

斗開顏笑千花洗筆成那知牙齒落忽發浩歌聲

曲盡題面

贈畫只用輕點○莊子漢陰丈人曰有機械者必有機
事有機事者必有心李詩我醉君復樂陶然共忘機
白石見九峯歌元和郡國志青城縣因山爲名王
匱經青城山爲第五大洞寶仙九室之天一斗見行
路難李詩開顏酌美酒沈雲卿詩雲間樹色千花滿
洗筆見送聖符弟客難唇腐齒落浩歌見避亂其
五

贈青溪蔡羽明

青溪見九峯歌序

家傍山城住前賢定可追一經傳漢相八法繼秦碑仙
是麻姑降才非唐舉知逃名因賣藥不愧鹿門期此首點染
入妙○庾詩山城足迴樓漢書韋賢傳字長孺魯國
鄒人也兼通禮尚書以詩教授代蔡義爲丞相少子元
成復以明經歷位至丞相鄒魯諺曰遺子黃金滿籬不
如一經說文自秦壞古文更用今體一曰大篆二曰

小篆三曰刻符四曰璽書五曰摹印六曰署書七曰殳書八曰隸書杜詩孤嶂秦碑在神仙傳王方平降蔡經家並召麻姑史記蔡澤傳唐舉見蔡澤熟視而笑曰吾聞聖人不相殆先生乎蘇詩莫從唐舉問封侯但遣麻姑更搔背按四句皆用蔡氏事也後漢書韓康傳採藥名山賣於長安市口不二價曰我本避名今女子皆知有何用藥爲乃遁入霸陵山中後漢書逸民傳郭正稱法真曰逃名而名我隨又龐公攜其妻子登鹿門山因採藥不反

杜詩空有鹿門期

第三句蔡義第四句伯喈與蔡經蔡澤俱跟前賢句說下結則就前賢而推廣言之此體益起於子瞻贈

張子

野

橘

莫設西山戍

原注時洞庭初增兵將

蕭條是橘官果從今歲少樹

爲去年寒

原注昨冬大寒橋大半枯死

一絹輸將苦千頭剪伐殘茂

陵消渴甚只向上林看

通首言橘之少是取別徑法○杜詩西山白雪三城戍抱朴

子漢武時交趾有橘官秩二百石主貢橘

按吳江縣

志順治十一年冬大寒太湖水厚二尺連二十日橘柚

死者過半見老圃閒談然此詩編次於南歸後蓋在十

一年以後者居易錄庚午冬自京口達杭州裏河皆凍

江南柑橘樹皆枯死此又在梅村作詩以後者一絹

詳贈陳定生漢書鼂錯傳屯戍之事益省輸將之費益

寡千頭見送李友梅剪伐見礬清湖茂陵消渴甚

見蘋婆上林賦於是乎盧橘夏熟注此雖賦上林博

引異方珍奇

不係於一也

蛤蜊

本草綱目蛤蜊生東南海中白殼紫唇大二寸者閩浙人以其肉充海錯亦作爲醬醃

疆飯無良法全憑適口湯食經高此族酒客得誰方水

斷車螯味厨空牡蠣房江南沈昭畧苦嗜不能嘗工穩之作

結有別趣○彊飯見別字令玉海隋唐所謂社倉者亦

近古良法也南史齊豫章王疑傳如庾氏躬營飲食

雖豐儉隨事而香淨適口魏書崔浩傳浩著食經梁

元帝謝賚蛤蜊車螯啟車螯味高食部名陳物志漢

書陳遵傳黃門郎楊雄作酒箴以諷諫成帝其文爲酒

客難法度士西陽雜俎車螯牡蠣故宜長充庖厨永

爲口寔本草綱目車螯南海北海皆有之采無時其肉

食之似蛤蜊而堅硬不及又蠣房晉安人呼爲壕蒲

初生止如拳石四面漸長至二丈者嶄巖如山俗呼蠔

山每一房內有肉一塊大房如馬蹄小者如人指面每

潮來諸房皆開有小蟲入則合之以充腹海人取者皆

鑿房以烈火逼之挑取其肉當食品其味美好更有益

也海族爲最貴南史沈昭畧傳字茂隆又王融傳遇

沈昭畧未相識昭畧屢顧盼謂主人曰是何年少融殊

不平謂曰僕出於扶桑人於賜谷照耀天下誰云不知

而卿此問昭畧云不知許事且食蛤蜊融曰物以羣分

方以類聚君長東隅居然應嗜此族

按苦嗜即酷嗜酷嗜見通天帖

膾殘

博物志吳王江行食鱸有餘棄於中流化為魚今魚中有名吳王鱸魚者長數寸大者如

箸猶有鱸形神僧傳誌公嘗於臺城對梁武帝
與鱸昭明諸王子皆侍側食訖武帝曰朕不知
味二十餘年矣師何為爾誌公乃吐出小魚依
依鱗尾武帝深異之今秣陵尚有膾殘魚也本
草綱目時珍曰按博物志云吳王闔閭江行食
魚鱸棄其殘餘於水化為此魚故名或又作越
王及僧寶誌者益出傳會不足致辯

按吳郡志謂吳王孫權所餘亦非

棄擲誠何細夫差信老饕微茫經七箸變化八波濤風

俗銀盤薦江湖玉饌高六千殘卒在脫網總秋毫

通首善於

點染三四工妙○棄擲見後東皐歌杜詩促織何微細

宋史劉敞傳廼今老饕自肆

微茫見龍腹竹歌蜀

志先王志先王方食失匕箸高達夫詩忠信涉波濤

文通免園賦碧玉作盤銀為盤杜詩蒙將玉饌俱

吏記越世家君子六千人伐吳晉

書慕容垂載記脫網之鯨豈罟所制

石首

本草綱目石首魚生東南海中其形首有白石二枚瑩潔如玉至秋化為冠鳧即野鴨有

冠者也

採鮮諸俠少

集作狹少非

打鼓伐藏冰五月三江去千金一

網能尾黃荷葉蓋腮赤柳條勝笑殺兒童語烹來可飯

僧

善子體物結有別趣○吳江葉學山有採鮮詞俠少見王郎曲松江府志石首俗呼黃魚每夏初賈人

駕巨舟羣百人呼噪出洋先於蘇州水廠市冰以待謂

之冰鮮鹽晒為鱸曰白鯊金山青村為盛百詩就荷

葉上包魚鮮

謝無逸詞柳條帶雨穿雙鯉

舊唐書

王縉傳元載杜鴻漸與縉喜飯僧東坡志林僧謂酒為

般若湯魚爲水梭花雞爲鑽籬菜竟無所益但欺而已
周櫟園書影鰲字從養之半相傳最養人浙僧以佛經
中有南海有魚其名石首比丘有疾食肉四兩語恣啖
之然皆無賴掛褡所爲稍持戒律者不至藉經言爲口
也

燕窩

周櫟園曰燕窩有烏白紅三種惟紅者最難得白者能愈痰疾紅者有益小兒痘疹

暑窓臆說燕窩名金絲海商云海際沙洲生蠶螺臂有兩肋堅潔而白海燕啄食之肉化而肋不化并津液吐出結爲小窩啣飛渡海倦則棲其上海人依時拾之以貨紫色者尤佳湖海搜奇出廣東陽江縣乃海燕採小魚營巢故名燕窩

海燕無家苦爭啣白小魚却供人採食未卜汝安居味

人金齏美

集作

巢營玉壘虛大官求遠物

大音

早獻上

林書

前半賦物之工後半比也亦賦也○張子壽詩海

羣分命天然

一寸魚

禮民安其居樂事勸功

南都

烟花錄

南人魚鱠細縷金橙拌之號為金齏玉鱠蘇詩

莫將南海金齏鱠

輕比東坡玉糝羹

一統志玉壘山

在成都府灌縣西北此借用

漢書百官公卿表師古

注大官主饌食湯官主餅餌導官主擇米書

不寶遠物則遠人格

上林見永和宮詞

海參

周櫟園曰參益人海參得名亦以能溫補

也生於土者為人參生於海者為海參

預使燂湯洗遲纔人鼎鑪禁猶寬北海

原注產登萊饌海中故無禁

可佐南烹莫辯蟲魚族休疑草木名但將滋味補勿藥

養餘生

前半可補食經後半就參字生情○禮燂湯請

湯也

洗集說燂溫也玉篇燂本作燂

集韻燂沈肉於

阿房宮賦鼎鑪玉石

漢書地理志北海郡景

帝中二年置屬青州一統志漢青州領平原千乘濟南

吳詩集覽卷十

十一

齊北海東萊六郡又登州府境三面皆距海萊州府境
海濱之州縣五韓詩自宜味南烹 蠹魚見遣悶

後漢書崔瑗傳盛修肴膳殫極滋味易
无妄之疾勿藥有喜餘生見送周子叙

比目

宋書符瑞志比目魚王者德及幽隱則見本草綱目比目魚各一目相並而行也爾雅所

謂東方有比目魚不比不行其名曰鰈是也段

氏北戶錄謂之鰈音兼吳都賦謂之鰈音介上

林賦謂之鮭音墟臨海志名婢從魚臨海風土

記名奴屬魚南越志名版魚南方異物志名箸

魚葉

比目誠何恨滄波作伴游幸逃網罟厄可免別離愁小

市時珍改殘書土物收若逢封禪詔定向海邊求原註得東

海比目魚始可封禪見管子 前半完題面後半演述
拓開一步○杜詩何恨依山木 柳文暢詩太液滄波

起宋延清詩作伴誰憐合浦葉 小市見磬清湖王浚
詩蘭羞備時珍 殘書見王菴看梅書惟土物愛厥心
臧 史記封禪書管仲曰古之封禪東海致比日之魚
西海致比翼之鳥按朱道民管子權封禪第五十元篇
亡以封禪書所載管子言
補之梅村所見或完書與

鯿

本草綱目石首魚乾者名鯿鯿能養人人恒想
之故字從養以白者為佳故呼自鯿按鰠魚鰠
魚皆可
為鯿

舊俗魚鹽賤貧家八饌輕自慚非食肉每飯望休兵餘

骨羶何附長餐臭有情腐儒嗟口腹屬饜負昇平起句
貳工

餘亦勻稱○舊俗見新都 貧家見遇南廂園叟杜詩

白白江魚八饌來 左傳莊十年肉食者鄙 史記馮

唐傳今吾每飯意未嘗不在鉅鹿也魏志公孫瓚傳不

如休兵 莊子羊肉不慕蟻蟻慕羊肉羊肉羶也舜有

下

擅行百姓悅之故三徙成都至鄧之墟而十有萬家
陶詩惆悵念長餐蘇州府志石首魚今惟出海中吳人
以棟花時爲候時已微熱魚多肉敗氣臭習慣嗜之故
有忍臭喫石首之譏年來沿海大家始藏冰悉以冰養
魚遂不敗荀子括囊無咎無譽腐儒之謂也左傳
昭二十八年以小人腹爲君子之心屬厭而已潘安
仁西征賦旣餐服以
屬饜昇平見琵琶行
顧瞻泰曰三四句
蓋有海警時作

過吳江有感

蘇州府志吳江縣
在府南四十里

落日松陵道堤長欲抱城塔盤湖勢動橋引月痕生市

靜人逃賦江寬客避兵廿年交舊散把酒歎浮名

前半首過

吳江後半首有感市靜由于人逃江寬由于客避引起
散字浮名指自己說○一統志吳江縣唐曰松陵鎮

又長堤在吳江縣東宋慶歷二年以松江風濤漕運多敗舟遂接續松江長堤界於江湖之間明萬歷三十三年重築長八十三里許仲晦詩水光千里抱城來蘇州府志寧境華嚴講寺在吳江縣東門外宋元祐四年邑人姚得瑄建方塔七成輟耕錄吳江長橋七十二洞元泰定二年甃以石陸務觀詩寂寂中庭伴月痕段成根贈李寶詩聞諸交舊累聖疊曜按吳江縣志國初邑之高蹈而能文者相率爲驚隱詩社起順治庚寅四方同志咸集相與逐跡林泉優游文酒角巾方袍時往來於三江五湖間其後史案株連同社有罹法者社集遂輟二十年交舊梅村益感其事與把酒見東萊行浮名見別李令

莫釐峯

一統志洞庭東山在吳縣西南太湖中史記正義謂之莫釐山吳縣志相傳隔莫釐

將軍居此故名

始信一生誤未來天際看亂峯經數轉遠水忽千盤獨

立久方定孤懷驟已寬亦知歸徑晚老續此游難

起二句有

飛動之勢三四咏峯五六游興結有餘波與起處相應

○天際見石公山

朱子詩

高旻矗亂峯

遠水見送

穆苑先

蘇詩

蜀道走于盤

孤懷見

送趙友沂

謝元暉詩

歸徑宵如迷

送沈友聖漢川哭友詩

并序

漢川顧西巘侍御與雲間沈山人友聖爲布衣

交使吳深自折節友聖長揖就坐箕踞狂嘯無

所不敢當所居田坳蓬蔚衡門兩版侍御出郊

枉訪停車話舊一郡皆驚西巘亡友聖徒步三

千里哭之糧盡道寒直前不顧予與友聖交厚

侍御亦以友聖之故厚予嘗三人虎邱夜飲其

鄭重之意形諸圖畫見於歌詩漢川之行惜予

不能從也爰作詩寓其悲焉

一統志漢川縣在漢陽府西北一百

二十里

西嶽友聖并已見

史記范雎傳秦

昭王遺平原君書曰寡人聞君之高義願與君為布衣之交蜀志費禕傳為昭信校尉使吳

戰國策武安君曰王折節以下其臣後漢

書趙壹傳司徒袁逢受計計吏數百人皆拜伏庭中壹獨長揖逢則欽衽下堂延置上坐箕

踞見行路難

元詩官借江邊宅天生地勢功

潘正叔詩顧茲蓬蔚

毛詩傳衡木為門言淺

陋也王炎元日詩兩版不須書鬱壘

漢書樓

護傳時成都侯商為大司馬衛將軍罷朝欲候

護其主簿諫將軍至尊不宜入閭巷商不聽遂

往至護家家狹小官屬立車下

史記淮陰侯

傳一軍皆驚鄭

重出漢書王莽傳

士有一知已無須更不平世翻嫌鮑叔人竊罵侯生置

飲忘形踞停驂廢禮迎柴門車轍在感舊淚縱橫此首寫西

獻交誼是哭友之由末句點出哭字○虞翻別傳使天

下一人知己者足以不恨鮑叔見送詹司理史記

信陵君傳公子從車騎虛左自迎夷門侯生公子執轡

愈恭從騎皆竊罵侯生唐書孟郊傳性介少諧合韓

愈一見為忘形交謝元暉詩停驂君悵望左傳桓六

年以器幣則廢禮史記陳丞相世家以樊席為門然

門外多有長者車轍曹顏遠

有感舊詩杜詩四座淚縱橫

其二

得信俄狂走千山一哭中棄家芒屨雪為位草亭風雨

水江聲合三生友道空祇留黃鶴夢相見話詩翁

從哭字直

起是跟前首未句來也後半點化漢川○狂走見避亂

千山見贈願雲師杜詩親明盡一哭芒屨見贈願

雲師禮為位而哭杜詩乾坤一草亭二統志漢水

至漢陽縣北漢口入江一名汙水一名沮水甘澤謠

僧圓觀與李源為忘年交後觀托身王氏約十二年後

秋夜會於杭州天竺寺外既至歌曰三生石上舊精魂

賞月吟風未要論慚愧情人遠相訪此身雖異性常存

二統志黃鶴樓在武昌府江夏縣西王介甫詩幾

人談笑

作詩翁

其三

貧賤誰曾託相逢許此身論文青眼客漬酒白衣人邱

壠松楸冷江山薤露新一杯傾漢水不肯負春申

此申言第

一首第二首之意○孔叢子宮他見子順曰他困貧賤
將欲自托富貴之門何向而可史記聶政傳老母在
政未敢以身許人也青眼客見壽龔芝麓漬酒見
過蘄王墓按白衣人用衣白者山人也詳西田實菊
邱壠見韓蘄王墓李遠詩謝公何處掩松楸薤露見
讀西臺記注百詩逢花傾一杯漢水見二十五日詩
史記春申君傳春申君者楚人也名歇
姓黃氏客三千餘人按漢川楚分故引之

其四

徒步愁糧盡傷心是各天雲埋大別樹雪暗小孤船死

友今朝見狂名到處傳范張千里約重補入晴川此首

友聖亦用漢川點染○後漢書徐穉傳嘗為太尉黃瓊

所辟不就及瓊卒歸葬穉乃負糧徒步到江夏赴之
古詩各在天一涯雲埋見釣笑泉大別見二十五日
詩楊炯詩雪暗雕旗畫小孤見贈李雲田後漢書

趙岐傳出行乃得死友

姚合詩通酒怕狂名

范式張劭見讀西臺記注

晴川見虎邱夜集圖

秦留仙寄暢園三詠

原注同姜西溟嚴蓀友顧伊人作國朝詩別裁集秦松

齡字留仙江南無錫人順治乙未進士入翰林

罷歸康熙己未召試博學鴻詞官諭德姜

宸英字西溟浙江慈谿人康熙丁丑進士第三

人官編修著有葦間詩集嚴繩孫字蓀友江南

無錫人康熙己未召試博學鴻詞官檢討

遷中允著有秋水集常州府志秦氏寄暢園在

無錫惠山寺左正德中秦端敏公金置引澗

泉作池聲若風雨二百餘年易主而不易姓

山池塔影

黛色常疑雨溪堂正早秋亂山來衆響倒景漾中流似

有一帆至何因半塔留眼前通妙理斜日在峯頭

張如哉曰

一句山二句池三四句以山響陪出池影五六句以一
帆托出半塔七八句言影所由來又回顧山字與返照
入江翻石壁同妙○何仲言詩臨橋看黛色溪堂見
送周子俶庾子慎詩九江逢七夕初弦值早秋亂山
見苑先往桐廬謝靈運山居賦日倒影于椒塗中流
見磬清湖序一帆見塗松晚發許有壬字可用詩
疎竹呈半塔庾詩山花即眼前北史高九
傳天下妙理至多陰子堅詩翠柳將斜日
常州府志王達錫山塔影詩星河拂曙鐘初定平湖
水碧天開鏡青山孤塔勢凌寒影入平湖鏡裏看沙
明宛若長虹卧一雁斜飛驚欲墮朱欄曲曲氣層層
蒼茫何處覓殘僧晚來記得漁郎語風雪蛟人夜試
燈

惠井支泉

石斷源何處涓涓樹底生遇風流乍急入夜響尤清枕

可穿雲聽茶頻帶月烹只因愁水遞到此暫逃名首二句原

題三四形容入妙五六咏嘆結句另入佳境又一咏嘆

法也○季詩石斷寒泉流涓涓見海戶曲季義山

詩流處水花急杜詩隨風潛入夜王仲宣詩流波激

清響世說孫子荆曰所以枕流欲洗其耳穿雲見鶴

如五十宋史張愈傳眠雲聽泉曹業之詩孤吟對月

烹芝田錄李德裕喜惠山泉在京置驛遞鋪號水遞

有僧曰爲相公通水脉京師一眼井與彼脈相通公取

二瓶襍他水十瓶遣僧辨析僧止取二瓶逃名見贈

明

宛轉橋莊子與物宛轉韓君平詩綠水迴通宛轉橋

斜月掛銀河虹橋樂事多花欹當曲檻石礙折層波客

子沉吟去佳人窈窕過玉簫知此意宛轉采蓮歌前半是寫

後半咏嘆俱有宛轉字在內○子夜歌斜月垂光照銀
 河見青門曲盧子行詩虹橋別有羊車路李詩君王
 多樂事李涉詩花欹渾拂檻曲檻見拙政園梅聖俞詩
 暗石惟愁礙層波見西田詩魏文帝詩客子常畏人
 沉吟見雁門尚書行司馬長卿長門賦夫何一佳人
 兮窈窕見遺問其五王簫見六真歌宛轉歌見七夕即事南史羊侃傳自
 造采蓮棹歌兩曲甚有新致

慧山酒樓遇蔣翁

慧山見玉京墓序張正言詩偏宜上酒樓

桑苧誰來繼名泉屬賣漿價應誇下若味豈過程鄉故

老空山裏高樓大道旁我同何水部漫說撥醅香前半首慧

山酒樓後半首蔣翁未用夾敘法○唐書陸羽傳自稱桑苧翁嗜茶米元章詩好作新詩繼桑苧垂虹秋色滿東南賣漿見送友人往正定下若見訪霍魯齋程鄉見閬園詩序詩召彼故老王少伯詩空山多雨

雪（列子）登高樓臨大路（南史陳暄傳）何水曹眼不
識杯鐺吾口不離瓢村（樂天醉吟先生傳）吟罷自哂
揭甕撥醅又飲
數杯兀然而醉

家園次罷官吳興有感

（梅村修孫山人墓記）吳公由工部郎為吳興守江南

之揚州人（揚州府志）吳緒字園次江都人順治九年拔貢授中書舍人歷兵部郎中知湖州府既罷歸貧無田宅購廢圃以居（浙江通志）吳緒康熙五年任（一統志）湖州府三國吳寶鼎元年始於烏程置吳興郡晉及宋齊因之

世路嗟誰穩栖遲可奈何官隨殘夢短客比亂山多閉

閣凝香坐行厨載酒過却聽漁唱響落日有風波

（玩此詩語）

意園次蓋罷官而尚留吳興者起言何處是樂地姑栖遲於吳興耳三四是罷官後語蓋罷官而客仍多正見

園次愛客若認作在官時之客則淺矣五六分承三四
結句從五六轉出同應起處○世路見呈李太虛 栖
遲見贈陸生宋玉九辯君不知今可奈何 殘夢見秋
夜不寐 亂山見苑先往桐廬 蘇詩凝香方丈眠穉
璣 神仙傳左慈能坐致行厨載酒見清風使
節圖 滕王閣序漁舟唱晚 風波見鴛湖曲
原評讀三四語園次之輕官愛客
如或見之今之戀官者且逐客矣

其二

勝事難忘處陰晴檻外峯
高臺爭見水曲塢自栽松失

志花還放離程鶴未從白雲長
澹澹猶作到時容

吳興有愛

山臺六客堂諸勝園次曾邀梅村讌賞故前半首及之
後半首是有感○勝事見虎邱夜集圖 王詩陰晴眾
壑殊僧靈一時雲生戶外峯 漢饒歌有臨高臺 施
肩吾詩草迷曲塢花滿園 矢志見琵琶行 宋史趙

打傳四馬入蜀以一琴一鶴自隨
采玉高唐賦水澹澹而盤紆兮

其三

枉殉千金諾空酬一飯恩只今求國士誰與報王孫強

悶裁詩卷長歌向酒尊古人高急難歎息在夷門前四句言

好客無國士之報後半 正是有感處○史記

季布傳得黃金百斤不如得季布一諾 又范雎傳一

飯之恩必償 又淮陰侯傳蕭何曰至如信者國士無

雙 又漂母曰吾哀王孫而進食豈望報乎 杜詩排

悶強裁詩 詩兄弟急難 史記信陵君傳魏有隱士

曰侯嬴年七十家貧爲大梁夷門監者公子從車騎虛

左自迎夷門侯生秦昭王已破趙長平軍又進兵圍邯

鄲公子姊爲趙惠文王弟平原君夫人請救于魏魏王

畏秦終不聽公子侯生乃屏人間語公子從其計請如

姬如姬果盜晉鄙兵符與公子侯生日臣宜從老不能

請數公子行日以至晉鄙軍之日北向自到以送公子

其四

劇郡非吾好蕭條去國身幾年稱傲吏此日作詩人京

洛虛名誤江湖懶病真一官知己愧所得是長貧

首句是傲

吏語次句是詩人語三四分承五六七八轉合處亦暗中分承也蓋偶然爲之非故作此體○漢書朱邑傳張

敞與邑書敞遠守劇郡馭於繩墨句臆約結固無奇也

謝元暉詩去國懷邱園

郭景純詩漆園有傲吏

韓詩餘事作詩人謝元暉詩誰能久京洛李詩空名

適自誤

劉夢吉詩常使幽人懶病深

李義山詩所

得是沽衣漢書陳平傳固有美如陳平長貧者乎

許九日顧伊人和元人齋中雜詠詩成持示戲效

其體

元史儒學傳楊載字仲宏其先居建之浦城後徙杭按仲宏東陽十題尚有敗裘卧鐘二

首梅村蓋用

其題之八

焦桐

後漢書蔡邕傳吳人有燒桐以爨者邕聞火聲知其良木因請而裁為琴果有美音

而其尾猶焦故時人名曰焦尾琴焉宋書樂志相如曰焦尾伯喈曰綠綺事出傳元琴賦

世云焦尾是伯喈琴伯喈傳亦云爾以傳氏言之則非伯喈也按傳休奕琴賦序司馬相

如有焦尾蔡邕有綠綺此當由傳寫互易耳

自此首以下原目皆不載詩蓋成于編目

以後

者

流落中郎怨薰風意乍開響因知已出歌為逐臣哀一

曲尊立則奏千金爨下材漢家忘厝火絕調過江來

首句流落

曲尊立則奏千金爨下材漢家忘厝火絕調過江來

字怨字次句乍字皆有焦字意在內三四卽乍開之意
後半首點綴入妙 三四句俱就琴說蓋因中郎之知
故響爲中郎之逐而哀也若作中郎感知已歌逐臣其
意淺矣又中郎本傳有吳人字而中郎陳留人官於長
安故云過江也○流落見遇劉雪舫中郎見又詠古
薰風見咏山茶花 逐臣見贈文園公 嵇叔夜絕交
書濁酒一杯彈琴一曲志願足矣尊前見老妓行 韓
詩遇賞還同費下餘 漢書賈誼傳抱火厝之積薪之
下而寢其上火未及然則以爲安方今之勢何以
異此 絕調見琵琶行晉書王導傳過江人士
此咏物詩也而意在言表音
餘絃外勿徒賞焦字之工

蠹簡

陸務觀詩蠹簡開塵篋

飽食終何用難全不朽名秦灰招鼠盜魯壁竄魴生刀

筆偏無害神仙豈易成却留殘闕處付與豎儒爭

此詩妙處

當於離卽間得之沾煞句下便負作者苦心矣。○李義
山詩將圖不朽名。劉夢得詩夷陵上黑有秦灰。史記
秦始皇紀敢有藏詩書百家語者悉詣守尉雜燒之。漢
書叔孫通傳此特羣盜鼠竊狗盜。漢書魯恭王傳恭
王初好治宮室壞孔子舊宅以廣其宮聞鐘磬琴瑟之
聲遂不敢復壞於其壁中得古文經傳。史記留侯世家
沛公曰鯁生教我距關無內諸侯索隱曰鯁謂小魚也。
又蕭相國世家蕭相國何者沛豐人也。以文無害太
史公曰蕭相國何于秦時爲刀筆吏。西陽雜俎蠹魚
三食神仙字則化爲脈望夜持向天從規望星星立降
可求丹度世也。漢書藝文志周室旣微載
籍殘缺。史記留侯世家豎儒幾敗而公事
咏蠹字妙矣亦有
寄托不同泛泛

殘畫

李致堯詩雨淋
殘畫摧荒壁

原自無多筆年深色便凋茶烟衝雨過竹粉遇風飄童

懶犀從墮兒頑墨誤描六朝金粉地落木更蕭蕭

原自無多

筆寫得殘字入神第二句醒出題面茶烟竹粉本自無多而衝雨遇風則色更凋矣三四賦而比也童懶句形容入妙人猶可到兒頑句疑有神助直屬化工之筆結到六朝金粉則非泛作咏物詩者○圖畫見聞錄王獻之能爲一筆書陸探微能爲一筆畫韓詩年深豈免有缺畫茶烟見蚤起百詩可憐衝雨客來訪阻風人李義山詩危亭題竹粉詩風其漂女傳漂飄同畫史檀犀同匣共發古香六朝見松化石金粉見送沈繹堂杜詩無

邊落木蕭蕭下

尤展成謂梅村畫亦成家惜未及見然原自無多筆已曲盡畫家神理而茶烟竹粉亦復點染生動右軍以字掩詩梅村亦以詩掩畫矣

舊劍

雍國鈞詩舊劍生衣懶更磨

此豈封侯日摩挲憶往年恩仇當酒後關塞即燈前解

去將誰贈輸來弗值錢不逢張壯武辜負寶刀篇

起句寫舊

字入神餘亦情詞並美○杜詩男兒生世間及壯當封

侯摩挲見行路難韓詩往取將相酬恩讐李德新

詩燈前春睡足酒後夜寒餘關塞見韓蘄王墓吳

越春秋伍子胥過江解其劍與漁父說苑干將莫邪

劍鏗不錚試物不知以之綴履不如兩錢之錐也漢書

灌夫傳生平毀程不識不值一錢張壯武見送子叔

青琬按結句用豐城得劍事見送龔孝升讀史

雜感諸首寶刀見行路難郭元振有寶劍篇

破硯

蘇詩我生無田食破硯

一榔南唐恨拋殘剩石頭江山形半截寶玉氣全收洗

墨池成玦窺書月仰鈎記會疏闕失望斷紫雲愁

前半首兼

咏南渡君臣後半首兼以自悲而切題處妙不容言○
一擲見蟋蟀盆歌五代史職方考周末七國自江以下
二十一州爲南唐書苑當南唐有國時于歙州置硯務
選工之善者命以九品之服號硯務官硯譜李後主得
青石硯墨池中有黃石如彈丸水常滿終日用之不耗
每以自隨後歸朝陶穀見而異之硯六不可持乃取石
彈丸去後主拽其手振臂就取請以寶玩爲謝陶不許
後主索之良苦陶不能奈曰要當碎之石破中有小魚
跳地上卽死自是硯無復潤澤 拋殘見琵琶行石頭
見哭志衍 江山半見避亂其五說文截斷也 史記
封禪書闕下有寶玉氣來者已視之果有獻玉杯者
明趙貞吉夜宿蘇長公洗墨池亭詩五百年前曾洗墨
依稀猶記雪堂東漢書五行志注師古曰半環曰玦蘇
詩近者唐夫子遠致鳥玉玦詩話烏玉玦墨也 梁簡
文帝詩浮雲似帳月如鉤 五代史裴皞傳每陳朝廷
闕失 沈雲卿詩紫雲香駕御微風天中記宋謝瞻知
徽州時嘗於舊坑取石貢理宗初坑上常有五色雲如
錦衾都檄隨雲覆處斲之得佳石旣發爲硯雲氣不復

見矣李長吉紫石硯歌端州石
工巧如神踏天磨刀割紫雲

文心如月印萬川處處映
澈此梅村詩品之最高者

廢檠黃晉卿詩舊業
猶餘未棄檠

憶曾同不寐棄置亦何心喜伴疎窓冷愁添老屋深書

將隣火映夢共佛燈沉莫歎蘭膏燼應無黠鼠侵起筆有神

後半首自寫近況○魏文帝詩棄置勿復陳唐茂業

詩松拂疎窓竹映闌元裕之詩青燈老屋深

西京雜記匡衡好學貧而無燭隣舍有燭而不逮乃穿

壁引其光以書映光而讀杜詩隣火夜深明蘇詩佛

燈初上報黃昏漢書龔勝傳有父老弔之曰

蘭以芳自燒膏以明白煎點鼠見讀史雜詩

張如哉曰韓短燈檠歌此時提攜富案前看書到曉
那能眠又吁嗟世事無不然墻角君看短檠棄首二

此句本

塵鏡

梁邵陵王詩塵鏡朝
朝掩庾有塵鏡詩

舉目風塵暗全遮皓魄輝休嗟青鏡改憐我白頭非秦

女粧猶在陳宮淚怎揮不知徐孺子負局幾時歸句句切定

塵字與泛填鏡事者迥別○晉書王導傳風景不殊舉

目有江山之異權載之詩皓魄流霜空杜詩暮顏

魄青鏡西京雜記秦始皇有方鏡照見心膽女子有

邪心即膽張心動乃殺之按陳宮用陳太子舍人徐

德言尚樂昌公主事也詳絕句奔拂貧士傳徐穉字

孺子豫章南昌人也讀書豐城櫛山之厓家貧常自耕

稼非其力不食恭儉義讓所居服其德常齋磨鏡具到

所住傭以自給列仙傳負局先生者不知何許人也

語似燕代間人負

磨鏡局徇吳市中

斷碑

斷碑見東萊行

妙蹟多完闕天然反失真銷亡關世代洗刷見精神

處懸崖險裝來斷墨新正從毫髮辨半字亦先秦

起筆工妙

通首皆稱○妙蹟見觀萬歲通天帖

天然見觀石谷

畫

駱賓王詩

桂枝芳氣已銷亡

孟東野詩洗刷凝

霜彩莊子澡雪而精神

揭處見觀萬歲通天帖懸崖

見行路難其十七

裴漢見汲古閣歌

杜詩毫髮無

遺憾

權載之詩已取貝多翻半字漢書景

十三王傳獻王所得書皆古文先秦舊書

按仲宏焦桐云只作全生計唯存半死心芻蕘猶不

置斤斧重相尋遂使燃焦金誰爲愛古琴有材不足

恃愁絕念知音蠹簡云往古韋編在何年始汗青蠹

蟲深卜宅利斗少成形泯滅帖秦火搜羅出漢廷斯

文天未喪不敢望全經塵鏡云收藏無寶匣歎息網

絲懸孰使明爲暗如觀醜勝妍玉臺終寂寂金鵲尚

翩翩正訝開元日虛將盛事傳廢檠云二尺書檠在
如今久弃捐魚膏雖有炬蠹簡獨無絲牆下偕遺藥
窗間帶舊烟却觀提挈處辛苦悔當年諸詩體物雖
工然未免意盡言中而梅村八首音餘絃外寄興獨
遠雖戲效其體
寔笑過元人也

過東山朱氏畫樓有感并序

東洞庭以山後爲尤勝有碧山里朱君築樓教
其家姬歌舞君每歸自湖中不半里令從者據
船屋作鐵笛數弄家人聞之皆出樓西有赤欄
干累丈餘諸姬十二人艷粧凝睇指點歸舟於
烟波杳靄間旣至卽洞簫鈿鼓諧笑並作見者

初不類人世也君以布衣童伎晚而有指索其所愛者以是不樂遣去無何竟卒余偶以春日過其里雖簾幙凝一而湖山晴美樓頭有紅杏一株傍簷欲笑客爲余言君生平愛花病困猶扶而瀝酒再拜致別諸伎中有紫雲者爲感其意至今守志不嫁嗟乎由此足以得君之爲人

矣爲題五言詩於壁上

季玉山詩連雲遠畫樓蘇州府志莫釐山以

其在洞庭山東俗稱東洞庭山去洞庭山一十八里晉書朱伺傳走上船屋鐵笛見鐵崖墓注欄干見琴河感舊劉希夷詩青樓思艷粧凝睇見玉京傳指點見龍腹竹歌歸舟

見送穆苑先唐書張志和傳自號烟波釣徒江

詩窮瀟瀟湘空洞簫見行路難正韻陷蚌曰

螺鈿韓詩諧笑方云云紫薇詩話章子厚

夢中詩始不類人間世也簾幙見哭志衍

湖山見送純祐浙幕蘇詩樓頭半露杏花梢

在彦升竹賦傍檐拂象床王仲初詩瀝酒

願從今日後更逢二十

度花開說文瀝水下滴

盡說凝眸望東風徙倚身如何踏歌處不見看花人舊

曲拋紅豆新愁長白蘋傷心關盼盼又是一年春起聯

皆用十字句法然盡說如何相為呼應竟是二十字句

法也後半首表紫雲之志正是為朱君與感李義山

詩歛笑凝眸意欲歌徙倚見西田詩舊唐書肅宗

紀上元夜上皇御安福門觀燈出內人連袂踏歌看

花見琵琶行徐孝穆詩江陵有舊曲洛下作新聲紅

豆見琵琶行注郎君曹詩杳杳多新愁柳文暢江南

曲汀洲採白蘋日暖江南春洞庭有歸客蕭湘逢故人
故人何不返春花復應晚張如哉曰新愁句正用此

關盼盼見玉京墓注霍
歟童詩一年始有一年春

按唐詩紀事紫雲乃李愿家妓為杜牧之指目者朱
君何復以此名之然曝書亭集朱碧山銀槎歌孫少
宰席上賦有云細看歛識刻至正問誰為此朱碧山
當時虞揭相獻酢是物亦得流人寰程迓亭曰朱
山名華玉元人也則碧山里朱
君亦如司馬長卿慕相如者歟

葉君允文偕兩叔及余兄弟遊寒山深處

蘇州府志莫釐

山又南為寒
山亦名韓山

投足疑無地逢泉細聽來松顛湖影動峯背夕陽開客

過攜山榼僧歸掃石臺狂呼聲撼木麋鹿莫驚猜

通首為深

處二字寫生三四最爲刻露○張茂先鷦鷯賦投足而

安楚辭下崢嶸而無地兮聽泉見惠井支泉蘇州府

志東洞庭山有泉五日海眼泉柳毅泉靈源泉青白泉

悟道泉蘇詩古甃墮松顛曹夢徵詩湖影撼山朶賈閻

溫飛卿詩鴉背夕陽多山榼見歲暮送苑先秦青撫

仙詩新起臨湖白石臺狂呼見行路難列子秦青撫

節悲歌聲振林木張子壽詩鷹隼

莫相猜李義山詩鼠翻窓網小驚猜

查灣西望

蘇州府志查灣在吳縣二十九都

屢折纔成望山窗撞石根濕雲低染徑老樹半侵門漁

直看疑岸沙橫欲抱村湖光猶在眼燈火動黃昏寫景如畫

句句有望字在內○百詩水檻山窓次第逢李詩錯落

千丈松虬龍蟠石根崔魯詩濕雲如夢雨如塵老

樹見雕橋莊歌杜詩清江一曲抱村流湖

光見宿福源精舍秦少游詞燈火已黃昏

拜王文恪公墓

明史王鏊傳字濟之吳人戶部尚書文淵閣大學士贈大傅謚文恪

一統志王鏊墓在

洞庭東山梁家山

舊德豐碑冷湖天敞寂寥勲名高故相經術重前朝致

主惟堯舜憂時在豎刁百年人世改野唱起漁樵

首尾切定

墓字中四括文恪本傳○舊德見鑾清湖序豐碑見讀

西臺記蘇詩水光翻動五湖天寂寥見山水圖歌

勲名見東萊行漢書蕭何傳故相國蕭何鑾傳取士

尚經術險詭者一切屏去南史檀道濟傳立功前朝威

名甚重王元之詩致主比唐虞左傳僖二年齊寺

人貂始漏師于多魚注寺人內奄官豎貂也按舊唐書

李訓傳作豎刁鑾傳宏治初充講官中官李廣導帝遊

西苑鑾講文王不敢盤于遊田反覆規切帝為動容講

罷謂廣曰講官指若曹耳正德元年四月起左侍郎與

韓文諸大臣請誅劉瑾等八黨杜詩夷歌幾處起漁

樵

胥王廟

蘇州府志吳相伍大夫廟在胥門外舊在胥口胥山上子胥死後吳人于此立祠俗

稱胥王廟

伍相丹青像鬚眉見老臣三江籌楚越一劍答君親雲

壑埋忠憤風濤訴苦辛平生家國恨偏遇故鄉人

起二句點

題三四括子胥本傳五六作贊結更波瀾壯濶○後漢書光武紀嚴尤笑曰是美鬚眉者耶漢書趙充國傳亡

踰老臣者矣國語子胥諫曰夫吳之與越也仇讐敵

戰之國也三江環之按籌楚越足概子胥一生不止諫

吳王數語劉文房詩身留一劍答君恩孔德璋北

山移文欺我雲壑吳越春秋子胥把劍仰天嘆曰自我

死後後世必以我為忠子胥濤見二十五日詩杜詩

二月已風濤又役役常苦辛按故鄉人謂文種也吳

越春秋注引呂氏春秋高誘解大夫種姓文氏字會楚之鄒人是與子胥俱楚產吳越春秋又云前潮水潘侯者伍子胥也後重水者大夫種也俱有前後揚濤之異然子胥忠于吳而種忠于越是子胥自有家國之恨與種不同故云

偏遇鄉人耳

查灣過友人飯

碧螺峯下去宛轉得山家橘市人沽釀桑村客焙茶溪

橋逢樹轉石路逐灘斜莫負籃輿興天桃已著花

首句查灣

次句過友人三四暗寫飯字後半首游查灣是飯後情事○蘇州府志寒山之西岸有仙人石又南爲碧螺峯

宛轉見宛轉橋柱詩山家蒸栗暖李文饒詩魚蝦

集橘市陸務觀詩身老桑村麥野中焙茶見宿沈文

長山館溪橋見溪橋夜話文通赤虹賦暖朱

草于石路籃輿見縹緲峯王詩寒梅著花未

寒山晚眺

岑參詩山
河宜晚眺

驟入初疑誤沿源興不窮穿林人漸小攬葛道微通湖

出千松杪鐘生萬壑中晚來山月吐遙指斷巖東

狀難
寫之

景如在目前晚字在即離之間○按沿源如桃花源記

沿溪行之沿聞伯嶼歌賦引韻下散沿源上迴

隋文

帝詩穿林鳥亂飛趙子昂詩野濶行人小

攬葛見縹

細峯書遂通道于九夷八蠻方言言木細枝謂之杪

萬壑見蒼公塔一統志寒山寺在吳縣西十里楓橋相

傳寒山拾得嘗止此故名杜詩四更山吐月

戴表

元詩斷巖

蒼龍角

翠峯寺遇友

蘇州府志翠峯禪寺在吳縣西南一
百里洞庭東山莫釐峯之陰唐將軍

席溫捨

宅建

卧疾峯腰寺欹危脚步勞松聲侵殿冷花勢擁樓高薄

俗詩書賤空山將吏豪

原注時有戊將居寺中

不堪從置酒白髮

自蕭騷

起二句指所遇之友三四翠峯寺內之景卽友人之寓也結句醒出遇字意○予山枯樹賦頓

山腰而半折

杜詩行步欹危寔怕春

高唐賦不見

其底虛聞松聲

北魏童謡黃花勢欲落朱慶餘詩平

原一望戍樓高

薄俗見磬清湖

將吏見贈雪

航

置酒見永和宮詞

薛大拙詩風地葉蕭騷

登寒山高處策杖行崖谷中

曹詩策杖從我遊崖谷見閬州行

側視峯形轉空蒼萬象陰斷巖湖數尺絕澗樹千尋日

透玲瓏影烟生竈竈心忽逢天際廣始覺所來深

前半首寒

山高處後半首行崖谷中○蘇詩橫看成嶺側成峯

李賓之詩瑤峯獨立倚空蒼萬象見磬清湖斷巖見

寒山晚眺
皇甫孝常詩
窓臨絕澗
聞流水
庾詩
高閣
千尋起
吳子華詩
日射更玲瓏
竊謂見朱氏畫樓

序天際

見石公山

沙嶺

蘇州府志
莫釐山一支
自西而南為白沙嶺

亂峯當面立
反憇得平邱
坐卧此云適
歌呼不自由
支

頤蒼鹿過坦腹
白雲留笑指
鳥飛處有人來
上頭

起二句狀

出奇景中四遊興
結句反襯出沙嶺之高
○朱子詩
高

旻臺亂峯
張見蹟詩
千里眺平邱
歌呼見二十五

日詩
王詩
支頤問樵客
錢仲文詩
幽溪鹿過苔還

淨
杜詩
坦腹江村暖
盧思道詩
遙居最上頭

飯石峯

蘇州府志
寒山之西岸有
仙人石又南為飯石峯

半空鳴杵白狼藉
餽山傍莫救黔黎
餓誰開白帝倉
養

芝香作粒煮石露為漿飯顆相逢瘦詩翁詎飽嘗

就飯字生

情然不脫石字峯字故佳○杵臼見石公山

松鼠按嘉興府志甌山在桐鄉縣治北十七里

甌山在兗州府滋陽縣東北十里出北史張華原傳此

借用唐文宗詩願蒙四海福熙黎後漢書公孫述

傳成都郭外有秦時舊倉述改名白帝倉杜詩香稻

啄殘鸚鵡粒煮石見閬園詩杜詩味如甘露漿揮弄

滑且柔唐人本事詩飯顆山頭逢杜甫頭戴笠子曰

卓午為問因何太瘦生只為從來作詩苦詩翁見送

沈友

聖

柳毅井

原注其地即橋社（一統志柳毅井在洞

庭東山蘇州府志小說載毅傳書事或以

謂是岳之洞庭湖以其說有橋社故又以為

即此洞庭山爾社下去吳縣西一百十里

仙井鹿盧音原泉瀉橋林寒添玉女恨清見柳郎心短

綆書難到雙魚信豈沉波瀾長不起千尺爲情深亦是將題

內三字合說與前首同工○昭明太子詩銀床繫轆轤

按字典引喪大記注鹿盧與轆轤通轆轤見琵琶行

韓君平詩人家掃橋林周明帝詩寒井落疎桐禮記

國君取夫人之辭曰請君之玉女與寡人共有敝邑事

宗廟社稷異聞集唐儀鳳中柳毅至涇陽見一婦牧羊

泣曰妾洞庭龍君小女也嫁涇川次子而夫婦日以厭

薄聞君將還吳以尺書託寄洞庭之陰有大橋樹鄉人

謂之社橋君解帶舉樹三發當有應者毅還家訪于洞

庭取書進之龍君覽畢宮中皆慟哭有赤龍長萬餘尺

飛去俄而涇水之因人至矣釋名井清也泉之清潔

者也南史柳惲傳宅南柳郎可爲儀表集異記洞庭君

宴毅于凝碧宮錢塘君謂毅曰子豈不聞壯士可殺不

可辱猛石可裂不可捲者耶願以昨女奉箕帚不從者

死毅曰君何言之鄙是爲殺人之夫而娶其妻不可後

再娶盧氏貌類龍女曰子卽洞庭君女涇上之辱君能

救之向所以不言者知君無好色之情今所以言者知

君有愛子之義莊子綆短者不可以汲深古詩客

從遠方來遺我雙鯉魚呼童烹鯉魚中有尺素書孟

東野詩波瀾誓不起安心古井水李

詩桃花潭水深千尺不及汪倫送我情

雞山原注夫差養鬪雞處一統志雞陂墟在元

和縣東越絕書莫門外雞陂墟吳王所以畜

雞去縣二十里蘇州府志吳縣武山之南麓有

木青山雞山按梅村所詠當指在吳縣者又越

絕書雞山豕山句踐以畜雞豕將伐吳以食士

也雞山在錫山南去縣五十里按此則吳越各

有雞山合雞

陂墟為三也

飲啄丹山小長鳴澤畔雲錦冠虛寺氣金距耿超羣歛

翅雌猶守專場勝未分西施眠正熟啼報越來軍結句入妙

以不脫雞字也○莊子澤雉十步一啄自步一飲不斲

畜乎樊中丹山見送龔孝升沈懷遠有長鳴鷄贊楚

雞行吟澤畔

虞衡志

南中有錦雞一名金雞頭項繫

毛金色身紅黃相間極有文彩列子紀消子為周宣王

養鬪雞十日而問之曰雞可鬪乎曰未也方虛憍而恃

氣左傳昭二十五年季氏介其雞邠氏為之金距淮

南子同師而超羣者必其樂之者也淵明閒情賦雞

歛翅而未鳴老子知其雄守其雌為天下谿劉孝威

鬪雞篇姑敵得專場吳越春秋越得芋蘿山鬻薪之

女曰西施鄭旦而獻於吳一統志越來溪在吳縣西

南越兵自此溪

來入吳故名

厩里

原註在武山吳王養馬處

蘇州府志厩里

在洞庭東山昔吳王牧馬處接一統志長洲

縣豆園吳王養

馬處亦兩見也

夫差芻秣地遺跡五湖傳柳葉青絲鞋桃花赤汗韉

原注

武山桃花為

降王蕭統轡艷妾笑垂鞭老驥哀鳴暮

洞庭一勝

三

風死骨捐

起二句完題面三四五六從此演出末二句應指子胥○周禮天官太宰以九式均節財

用七日芻秣之式

五湖見贈家侍御

羅敷行青絲

繫馬尾梁簡文帝詩

青絲懸玉鐙朱汗染香衣

杜詩

河隴降王欸聖朝國語

越王其身親爲夫差前馬詩執

轡如組

子山七夕賦

秦娥麗妾趙艷佳人李詩薄暮

垂鞭醉酒歸

曹孟德樂府老驥伏櫪杜詩哀鳴思

戰鬪迴立向蒼蒼

按末句反用郭隗說燕昭王語

仙掌樓留別衆友

前後皆遊莫釐山之詩則仙掌樓亦應在洞庭之東觀次首

東山字可見蓋江寧縣亦有雨花臺故梅村先

自註出耳或疑太倉本隸蘇州梅村遊山

離故園未遠而鏡湖在紹興府山陰縣南三里

疑仙掌樓亦在山陰故云離程也然太倉距蘇

州一百五里其憶故園亦無足異而酒云持來

蓋以鏡湖之酒送洞庭之客者或又如有酒如

澠之意以鏡湖

比酒杯耳俟考

杯酒鏡湖平持來送客行可憐高會處偏起故園情烟

鳥窓中滅風帆樹杪生遙看沙渡口明日是離程此將自洞

庭歸而與友話別也佳在後半首○高達夫詩無那春

風欲送行高會見遇劉雪舫李詩何人不起故園

情百詩瞋色投烟鳥窓中樹杪見過聞果師王元

之黃州竹樓記第見風帆沙鳥烟雲竹樹而已邱為

詩渡處水口寬離

程見園次罷官補注

登東山雨花臺

白雲去何處我步入雲根一水圍山閣千花夾寺門曰

翻深谷景烟抹遠天痕變滅分晴晦悠然道已存三四

臺五六兼寫東山首尾相應○李君虞詩白雲何處更

相期雲根見二十五日詩王介甫詩一水護田將

綠遠杜詩臨軒望山閣交通江上之山賦草自然而
千花陶詩梅柳夾門植翟國輔詩寺門清且涼杜詩
愁畏日車翻詩深谷爲陵張見噴詩長榆接遠天
蘇詩相與變滅隨東風李鐸客雨如散絲賦晴晦之異
圖牒之祥陶詩悠然見
南山莊子目擊而道存矣

留洞庭二十日歸自水東小港韓致光詩小港春添水半腰

漸覺湖天改扁舟曲曲行野橋誰繫姓村樹亦知名晚

市魚蝦賤烟汀菰米生偶逢空濶處重起舊灘聲起結寫歸

字入情中四句寫出水東小港湖天見拜王文恪墓

張子野詞屏風曲曲闌紅牙杜詩攜錢過野橋

韓致光詩仙樹有花難問種御香聞氣不知名魚蝦

見礬清湖序陸務觀詩寄懷魚鳥卧烟汀杜詩波飄

菰米沉雲黑蘇州府志菱白卽菰也惟吳縣梅灣村一

種四月生名呂公菱菱中生米可作飯卽菰米飯也

空闊見二十五日詩陸

務觀詩只有灘聲似舊時

武山

原注本名虎山夫差於其地養虎李唐諱虎為武至今仍之（一統志洞庭東山其東麓

曰武山周十二里本名虎山吳王養虎處後避唐諱改今名

霸畧誇擒縱君王置虎牢至今從震澤疑是射成臯土

俗無機穽山風少怒號千秋遺患處誰始剪蓬蒿

點染處與

鷄山一首相似○史記孟嘗君傳折秦之謀而絕其霸強之畧季太和鬪鴨賦迭為擒縱穆天子傳七萃之

士高奔戎生捕虎而獻之天子命之為押而畜之東虞是為虎牢按虎牢成臯并借用見送周子俶張青瑀

震澤見林屋洞

後漢書仲長統傳是設機置穽以待

天下之君子也

杜詩八月秋高風怒號

史記項羽

紀此所謂養虎自遺患也

蓬蒿見雁門尚書行

題郁靜巖齋前壘石

梅村郁靜巖家譜序余外家郁氏爲吳中右姓其後人靜

巖名滋篤行君子也壘石見松山哀

就石補奇雲潭幽亂石文貞堅應有性高下亦唯君鳥

雀因人亂松杉我獨聞苔階含古色落落自同羣

三四自作

寫照通首俱能相稱○韓詩青天孔出白石補詩奇峯出奇雲王子安採蓮賦問子何去幽潭採蓮

李長吉詩麒麟背上石文裂

舊唐書高宗紀貞堅表

志

後漢書何進傳王簿陳琳曰今將軍龍驤虎步高

下在心

松杉見題高士圖

梁簡文

帝詩苔階沒故綦落落見石公山